

სატენდერო დოკუმენტაცია

1. სამშენებლო სამუშაოების დასახელება, სავარაუდო ღირებულება და შესრულების ვადა

1.1 შესყიდვის ობიექტი: ქალაქ ქობულეთში (რუსთაველის ქ. №162/ზ, რუსთაველის ქ. №162 ვ-გ, დავით აღმაშენებლის გამზ. № 94) ეზოების კეთილმოწყობის სამუშაოები.

1.2 სამშენებლო სამუშაოების სავარაუდო ღირებულება შეადგენს 311522 (სამასთერთმეტიათას ხუთასოცდაორი) ლარს.

1.3 სამშენებლო სამუშაოების შესრულების ვადა: ხელშეკრულების გაფორმებიდან 40 (ორმოცი) კალენდარული დღე.

2.ზოგადი დებულებები.

ტენდერში მონაწილეობის მსურველი პირი სატენდერო წინადადებებს წარადგენს მხოლოდ საფასურის გადახდის დამადასტურებელი დოკუმენტის წარდგენის შემდეგ, რომლის წარდგენის წესი განისაზღვრება „სახელმწიფო შესყიდვების შესახებ“ საქართველოს კანონის მე-15¹ მუხლითა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად (*იხ. <http://procurement.gov.ge/>*).

1. სატენდერო დოკუმენტაციის შესახებ დამატებითი ინფორმაცია და განმარტებები დაინტერესებულ პირებს შეუძლიათ მიიღონ შემდეგი პირისაგან – ბადრი რომანაძე სატენდერო კომისიის აპარატის წევრი – ტ. 877-20-59-51 შემდეგ მისამართზე: ქალაქი ქობულეთი, დავით აღმაშენებლის გამზირი №141, ქობულეთის მუნიციპალიტეტის გამგეობის ადმინისტრაციული შენობა, მესამე სართული.

2. სახელმწიფო შესყიდვის პროცედურაში მონაწილეობის მსურველ პრეტენდენტებს შეუძლიათ გაასაჩივრონ შემსყიდველი ორგანიზაციის სატენდერო კომისიის ქმედებები შემსყიდველ ორგანიზაციაში ან სააგენტოში, თუ მათ მიაჩნიათ, რომ სახელმწიფო შესყიდვის განხორციელების პროცესში დაირღვა „სახელმწიფო შესყიდვების შესახებ“ საქართველოს კანონითა და შესაბამისი ნორმატიული აქტებით დადგენილი წესები ან/და შეილახა მათი უფლებები.

3. შემსყიდველი ორგანიზაციას უფლება აქვს სახელმწიფო შესყიდვის შესახებ ხელშეკრულების დადებამდე ნებისმიერ დროს შეაჩეროს ან შეწყვიტოს შესყიდვის განხორციელება, როდესაც ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან/და საზოგადოებრივი ინტერესებიდან გამომდინარე.

4. პრეტენდენტის მიერ განცხადების შესაბამისად წარმოდგენილი საკვალიფიკაციო მონაცემების დამადასტურებელი დოკუმენტები საკვალიფიკაციო შერჩევის დროს შემდგომ დაზუსტებას არ ექვემდებარება;

5. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და გადასახადის გათვალისწინებით.

3. წარმოსადგენი დოკუმენტაცია.

3.1 პრეტენდენტის სატენდერო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

1. ინფორმაცია პრეტენდენტის ტექნიკური შესაძლებლობის შესახებ:

ა) პრეტენდენტს საკუთრებაში ან მფლობელობაში უნდა გააჩნდეს მინიმუმ:

1. ბულდოზერი - 1 ცალი;

2. დამტვირთავი - 1 ცალი;

3. ექსკავატორი V – 0,5 მ³ - 1 ცალი;

4. ავტოთვიტმცლელეები 7-10ტ - 2 ცალი;

5. გრეიდერი - 1 ცალი;
7. სატკეპნი - 2 ცალი;
8. ასფალტოდამგები - 1 ცალი;
- ბ) საკუთრების შემთხვევაში წარმოდგენილი უნდა იქნას საკუთრების დამადასტურებელი დოკუმენტების ასლები, ლიზინგის შემთხვევაში ხელშეკრულების ასლ(ებ)ი.
- გ) მონაცემები წარმოდგენილი უნდა იქნეს დანართი N2 შესაბამისად.
2. ორგანიზაციის რეკვიზიტები დანართი 3-ის შესაბამისად.
3. ინფორმაცია საგარანტიო პერიოდის შესახებ. შესრულებულ სამუშაოებზე უნდა ვრცელდებოდეს საგარანტიო ვადა არანაკლებ 5 (ხუთი) წელი.
4. პრეტენდენტის მიერ წარმოდგენილი უნდა იქნას ფასების ცხრილი დანართი 1-ის შესაბამისად.
5. პრეტენდენტის მიერ წარმოდგენილი სამუშაოს შესრულების გეგმა-გრაფიკი დანართი N4 შესაბამისად.
6. პრეტენდენტს უკანასკნელი 3 (სამი) წლის განმავლობაში შესრულებული უნდა ჰქონდეს ელექტრონული ტენდერით გათვალისწინებული ანალოგიური ხასიათის, სირთულის და შინაარსის სამშენებლო სამუშაოები (მოასფალტების სამუშაოები) საერთო ღირებულებით არანაკლებ 200 000 (ორასი ათასი) ლარის ოდენობით, რაზეც სისტემაში ატვირთული უნდა იყოს შესაბამისი ხელშეკრულებები და მიღება-ჩაბარების აქტები.
7. ინფორმაცია გამოსაყენებელი მასალების მახასიათებლების შესახებ.

შენიშვნა: მიმწოდებლის მიერ ელექტრონულ სისტემაში ატვირთული ყველა დოკუმენტი უნდა იყოს უფლებამოსილი პირის მიერ ხელმოწერილი და ბეჭედ დასმული;

3.2. პრეტენდენტის მიერ წარმოსადგენი საკვალიფიკაციო მონაცემები, როგორც იურიდიული პირებისათვის, ასევე ინდივიდუალური მეწარმეებისათვის

1. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან
2. ცნობა ბიუჯეტის წინაშე დავალიანების არარსებობის შესახებ.

პრეტენდენტების მიერ წარმოდგენილი საკვალიფიკაციო მონაცემების დამადასტურებელი დოკუმენტაცია საკვალიფიკაციო შერჩევის დროს შემდგომ დაზუსტებას არ ექვემდებარება.

- ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემულ უნდა იქნეს სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპების დაწყების შემდეგ. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე. დოკუმენტაციასთან დაკავშირებული სადავო საკითხების გადაწყვეტისას უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს შემსყიდველი ორგანიზაცია.
- პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით.
- პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების

დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის.

- სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-9 პუნქტის შესაბამისად, ხელშეკრულების ხელმოწერის მომენტისათვის საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით წარმოდგენლობა გამოიწვევს დისკვალიფიკაციის ამ წესის მე-13 მუხლის მე-2 პუნქტის „ე“ ქვეპუნქტისა და მე-16 მუხლის მე-6 პუნქტის „გ“ ქვეპუნქტის საფუძველზე.

4. სატენდერო წინადადების ფასი

4.1.1 სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და გადასახადის გათვალისწინებით.

4.1.2 სატენდერო წინადადებაში საერთო და ერთეულის ფასი გამოსახული უნდა იყოს ლარში.

4.1.3 სატენდერო წინადადების მოქმედების ვადა - წინადადების წარმოდგენიდან არანაკლებ 60 (სამოცი) დღე;

4.1.4. სატენდერო წინადადების უზრუნველყოფის გარანტიის ოდენობაა შესყიდვის სავარაუდო ღირებულების 1%.

4.1.5. ელექტრონულ ტენდერში ხელშეკრულების შესრულების უზრუნველყოფის მექანიზმი გამოყენებული იქნება შემდეგი სახით: საბანკო გარანტია

5. ანგარიშსწორების პირობები

5.1. ანგარიშსწორება განხორციელდება ეტაპობრივად შესრულებული სამუშაოების მოცულობების შესაბამისად, ფორმა №2, ფორმა №3, მიღება-ჩაბარების აქტის და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში.

5.2 მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

5.3 ანგარიშსწორება განხორციელდება ლარებში წინამდებარე ხელშეკრულებაში მითითებული „მიმწოდებელი“-ს საბანკო რეკვიზიტებზე.

5.4 შემსყიდველთან შეთანხმებით შესაძლებელია წინასწარი ანგარიშსწორება, თანხის ოდენობა დაზუსტდება ხელშეკრულების გაფორმების მომენტში. შემსყიდველის მიერ ავანსად გადახდილი თანხის გამოქვითვა განხორციელდება მიმწოდებლის მიერ ანგარიშსწორებისათვის წარმოდგენილი ფაქტიურად შესრულებული სამუშაოების მოცულობების ღირებულებიდან 50%-ის ოდენობით ყოველ წარმოდგენილ შესრულებაზე. მიმწოდებლის მიერ წინასწარი ანგარიშსწორებისათვის წარმოდგენილი საბანკო გარანტია უნდა იყოს ძალაში სამუშაოს დასრულების ვადიდან ერთი თვის განმავლობაში.

5.5 ხელშეკრულების ხარჯთაღრიცხვით განსაზღვრული გაუთვალისწინებელი სამუშაოებისათვის გამოყოფილი თანხა გამოიყენება მხოლოდ სამუშაოს შესრულების პროცესში დამატებით ჩასატარებელი ახალი სახეობის სამუშაოების შესასრულებლად, შესაბამისი მოტივირებული დასკვნის საფუძველზე შემსყიდველთან შეთანხმებით.

6. ხელშეკრულების პირობების შეუსრულებლობა:

6.1 ხელშეკრულებით ნაკისრი ვალდებულებების შეუსრულებლობისა ან/და ხელშეკრულებაზე თანდართული გეგმა-გრაფიკით გათვალისწინებული სამუშაოების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო შეუსრულებელი სამუშაოების ღირებულების 0,5 % პროცენტის ოდენობით;

6.2 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 5% პროცენტს, შემსყიდველს უფლება აქვს შეწყვიტოს ხელშეკრულება.

6.3 მიმწოდებელს სამუშაოების უხარისხოდ და არაჯეროვნად შესრულების შემთხვევაში გაეგზავნება წერილობითი გაფრთხილება. 5 დღის განმავლობაში არსებული ხარვეზის აღმოუფხვრელობის ან/და შემდგომ განმეორების შემთხვევაში მას დაეკისრება პირგასამტეხლო ხელშეკრულების ფასის 2%-ის ოდენობით.

6.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

7. ხელშეკრულებაში ცვლილების/დამატების შეტანა

7.1. ტენდერის ჩატარების შედეგად დადებულ ხელშეკრულებაში ნებისმიერი ცვლილების/დამატების განხორციელების შემთხვევაში, აღნიშნული ცვლილება/დამატება უნდა გაფორმდეს წერილობითი ფორმით და აიტვირთოს სისტემაში ხელშეკრულებაში ცვლილების/დამატების შეტანიდან არა უგვიანეს მომდევნო სამუშაო დღისა.

7.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

8. ტექნიკური პირობა

8.1 სამუშაოს შესრულების ვადა: ხელშეკრულების გაფორმებიდან 40 (ორმოცი) კალენდარული დღე.

8.2 პრეტენდენტის (მიმწოდებლის) მიერ წარმოდგენილი სატენდერო წინადადება, ხარჯთაღრიცხვები, სამუშაოთა შესრულების მეთოდები და გეგმა-გრაფიკი წარმოადგენს სახელმწიფო შესყიდვის შესახებ ხელშეკრულების განუყოფელ ნაწილს.

8.3 ვინაიდან ელექტრონულ ტენდერში გამარჯვებული პრეტენდენტის (მიმწოდებლის) მიერ წარმოდგენილი სატენდერო წინადადება სახელმწიფო შესყიდვის შესახებ ხელშეკრულების განუყოფელ ნაწილია, სამუშაოების პროცესში, მიმწოდებელი ხელმძღვანელობს მისივე სატენდერო წინადადებაში მოცემული გრაფიკით განსაზღვრული ვადებითა და სამუშაოების განხორციელების თანმიმდევრობით.

9. სამუშაო ადგილის მომზადება, გარემოს დაცვა და სამუშაოთა შესრულების წესი:

მიმწოდებელი პასუხისმგებელია:

9.1 შეასრულოს სამუშაოები შრომის უსაფრთხოების პირობების დაცვით;

9.2 უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების მინიმუმამდე დაყვანა;

9.3 მინიმუმამდე დაიყვანოს სამუშაოებთან დაკავშირებული ხმაურის, ვიბრაციის და მტვრის გავლენა გარემოზე;

9.4 სამუშაოთა დასრულების შემდეგ პრეტენდენტი (მიმწოდებელი) თავისი ძალებით და სახსრებით 5 კალენდარული დღის ვადაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნარჩენებისაგან და ა.შ.

9.5 უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა;

9.7 მიმწოდებელი ვალდებულია მუშა-მოსამსახურე პერსონალს ჩაუტაროს ინსტრუქტაჟი მშენებლობაზე უსაფრთხოების ტექნიკის უზრუნველყოფის საკითხებზე;

9.8 სამუშაოები შეასრულოს ხელშეკრულებაზე მითვისებული ხარჯთაღრიცხვით და პროექტით გათვალისწინებული მოცულობების შესაბამისად.

9.9 მიმწოდებელი ვალდებულია შემსყიდველის მიერ მოთხოვნის შემთხვევაში, საკუთარი ხარჯებით, წარმოადგინოს მშენებლობაში გამოყენებული მასალებისა და ნაკეთობების ლაბორატორიული დასკვნები მათი საქართველოში მოქმედ ნორმებსა და სტანდარტებთან, აგრეთვე ხარისხთან შესაბამისობის დადგენის მიზნით ობიექტის როგორც შუალედური, ისე საბოლოო მიღება-აბარების აქტის გაფორმებამდე.

10. ხელშეკრულების შესრულების უზრუნველყოფის გარანტია

10.1. ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია სახელშეკრულებო ღირებულების 5% ოდენობით, აღნიშნული საბანკო გარანტია წარმოდგენილ უნდა იქნეს შესაბამისი ხელშეკრულების გაფორმებამდე;

10.2. ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული გასაწევი მომსახურების ვადას.